

6D010300 – «Педагогика және психология» мамандығы бойынша философия докторы (PhD) дәрежесін алу үшін қорғауға ұсынылған Кудабаета Перизат Асанбаевнаның «Болашақ ағылшын тілі мұғалімдерінің мәдениетаралық коммуникативті құзыреттілігін қалыптастыру» атты тақырыбындағы диссертациялық жұмысына ғылыми кеңесшінің

ШІКІРІ

Докторант Кудабаета Перизат Асанбаевнаның «Болашақ ағылшын тілі мұғалімдерінің мәдениетаралық коммуникативті құзыреттілігін қалыптастыру» тақырыбына дайындаған диссертациялық жұмысы Қазақстан Республикасының білім беруді және ғылымды дамытудың 2016-2019 жылдарға арналған мемлекеттік бағдарламасының «экономиканың орнықты дамуы үшін білім берудің және ғылымның бәсекеге қабілеттілігін арттыру, адами капиталды дамыту, зияткер, дене бітімі және рухани жағынан дамыған, табысты азаматты қалыптастыру, сондай-ақ әлеуметтік экономикалық, рухани мәдени білімі бар білікті мамандармен қоғамды қамтамасыз ету болып отыр» деген негізгі мақсатына сәйкес көкейкесті мәселені қарастырып отыр.

Осыған орай білім саласында қазіргі жасалып жатқан реформалар білімді де білгір, іскер, азаматтық белсенділігі мен шығармашылығы қалыптасқан, өздеріне жауапкершілік ала отырып, өздігінен шешімдер қабылдай білетін, стратегиялық мақсаттар қоя отырып, оларға қол жеткізе алатын, білімді де мәдениетті, халықаралық мәдени-кәсіптік қарым-қатынастарды жүзеге асыра алатын, яғни мәдениетаралық құзыретті мамандар даярлау болып саналады.

Осы тұрғыдан алып қарағанда Кудабаета Перизат Асанбаевна диссертациялық зерттеу тақырыбының теориялық мазмұнын айқындау барысында отандық және алыс-жақын шетелдік ғалымдардың педагогикалық, психологиялық, философиялық зерттеулеріне жан-жақты талдау жасаған. Сонымен қатар, «мәдениет», «құзыреттілік», «мәдениетаралық құзыреттілік», «мәдениетаралық коммуникативті құзыреттілік» ұғымдарына берілген анықтамаларды жүйелеп, осы ұғымдардың мәні мен мазмұнын өзінің зерттеу мәселесінің мақсатына орай тұжырымды пікірін білдіріп, ғылыми-теориялық тұрғыдан мазмұндық сипаттама жасаған. Бұл зерттеудің теориялық мазмұнын толықтай ашады.

Докторант Кудабаета Перизат өзінің зерттеу тақырыбына байланысты ізденіс жұмыстары барысында өзінің жауапкершілігінің жоғарылығы мен ғылыми ізденіске икемділігін танытты. Базалық білімінің ағылшын тілімен байланысты болуы докторанттың ақпарат көздерін еркін меңгеруіне жол ашса, жауаптылығы мен тиянақтылығы зерттеу жұмыстарын мұқият жүргізуге мүмкіндік туғызды.

Зерттеу жұмысында болашақ ағылшын тілі мұғалімдерінің мәдениетаралық коммуникативті құзыреттілігін қалыптастырудағы қарым-

қатынастың кейбір вербальды емес құралдарының диалектикалық ерекшеліктеріне байланысты топтастырылып, жүйеленуі; студенттерге арналған «Болашақ маманның мәдениетаралық коммуникативті құзыреттілігін қалыптастырудың негіздері» атты элективті курс бағдарламасы мен оқу-әдістемелік құралдар, «Communication club» атты үйірме жұмысы жоспарының құрастырылуы жұмыстың тәжірибелік маңызын толықтай ашты.

Докторант диссертация жұмысын орындай жүріп, жас ғалымдар форумы мен конференцияларда баяндамаларымен қатысып, өзінің кәсіби-зерттеушілік қабілетін шындай түсті. Қазақстан Республикасы көлемінде жүргізіліп жатқан жұмыстар тәжірибесімен де танысып, аталмыш мәселеге қатысты ақпараттарды жинауда нәтижелі істер атқарды.

Тұлға ретінде П. Кудабаетаева ұстамды, ғылыми ізденіске жаны құмар, ойлау қабілеті жоғары, білімді, ұғымтал, өзгелермен тіл табысу қабілеті де жоғары, еңбекқор және жауапты адам дер едім.

П.А. Кудабаетаеваның ғылыми-зерттеу жұмысының негізгі мазмұны халықаралық ғылыми-тәжірибелік конференциялар мен симпозиумдар, әр түрлі ғылыми басылымдарда жарық көрген 11 еңбегінде қамтылған. Атап айтқанда, Scopus базасына енген 1 ғылыми журналда, ҚР Білім және ғылым саласындағы бақылау Комитеті ұсынған ғылыми журналдарда 4 мақала, Халықаралық ғылыми-тәжірибелік конференция материалдарында 5 мақала, 1 мақала шетелдік ғылыми журналында жарық көрген, сонымен қатар 1 элективті курс, 2 оқу-әдістемелік құралы жарық көрген.

П. Кудабаетаеваның аталмыш зерттеу жұмысының мазмұны мен болашақ мамандар даярлау жүйесінде берген ұсыныстары мен бағдарламалары сапалы маман даярлауда өз үлесін қосатын жұмыстардың бірі болады деп үміттенемін.

6D010300 – «Педагогика және психология» мамандығы бойынша философия докторы (PhD) дәрежесін алу үшін қорғауға ұсынылған П.А.Кудабаетаеваның «Болашақ ағылшын тілі мұғалімдерінің мәдениетаралық коммуникативті құзыреттілігін қалыптастыру» атты тақырыбындағы диссертациялық жұмысы ҚР БҒМ Білім және ғылым саласындағы бақылау комитетінің талаптарын толығымен қанағаттандырады. Кудабаетаева Перизат Асанбаевнаның «Болашақ ағылшын тілі мұғалімдерінің мәдениетаралық коммуникативті құзыреттілігін қалыптастыру» тақырыбындағы диссертациясын Абай атындағы ҚазҰПУ жанындағы 6D010000 – Білім беру (педагогикалық ғылымдар) диссертациялық Кеңесте қорғауға лайықты деп пікір білдіремін.

Ғылыми кеңесші

Қожа Ахмет Ясауи атындағы

Халықаралық қазақ-түрік университетінің

профессоры, педагогика ғылымдарының

докторы

